



BROADWAY!



Niin Union Station!
Nashke ganawaabam
diba' igiiziswaan niigaan.
Ozhibii'an ezhiseq!

Niin Upper
Fort Garry! Ningii -
meshkwadoonige ako
adaawaaganag.
Aandi niin imaa
eyaayan?

Niin Fort
Garry Hotel! Aaniin
enaabamiyan?



Niin
Centennial House!

Zhigwa niin
Princeton Apartments!
Gizhibaabii'an aandi
iwe nawach
getaadiziimagak.

Niin
noongomiwang WCB
waakaa'igan! Aaniin
dino ozhibii'iganan
enaabamiyan?



Niin iwe
Old Law Courts
Building! Nashke
gaa-miskwaabikaag.
Aaniin
enazinaateg?



Nindanokii
mazinichige'iwewin!
Bimosen anaaming niin onji.
Wegonen bakozhigaadeg
onji bekwaagamig?



Niin Land Titles
Building! Jiigaya'ii bi-
izhaan. Aaniin ezhising apii
biiwaabikong ishpiming
nindishkwaandeming?



Niin Manitoba Legislator!
Nanaandok awesiwag
wawezhiichigaagem. Bezhiq
wiinzh. Ozhichigan waabanda'
iweng niin. Anaaming niin
bimosen. Wegonen wezhiko-
jigaadeg gaa-bikwaag
ogidigamig?



OSBORNE STREET

MAP BY
@KajHasseliis

@wpgarch
winnipegarchitecture.ca

WINNIPEG

ARCHITECTURE

FOUNDATION



AYIN AABIN BROADWAY

Mewinzha onji omaa — jiigaya’ii imaa baketigweyaag Miskoziibiing zhigwa Asinibwaan ziibiing — gii-nagishkodaadiwag Anishinaabeg. Naagach gii-wenoodiziwag imaa gaa-gii-daawaad. Mii dash, iwe Broadway oodekana gaa-ijigaadeg maawanj ginwezh imaa gaa-ayaamagak Winnipeg. Apii 1880 gaa-akiiwang, gichi-waakaa’iganan gii-badakidewan imaa. Eni-agaasing idash imaa naked, gizhibi-oodenaang gii-izhigoziwag. Mii gaa-ani-izhi-aanjiseg imaa gechiwaag, nawach gaa-adaawaagewaad gegoon imaa gii-oninamaawag apiich wiin ji-michi-daawaad awiyag.

Upper Fort Garry Provincial Park

130 Main Street

1700 gaa-akiiwang onji, gaa-meshkwadoonigewaad gii-ayaawag jiigibiig, mii Anishinaabeg ogii nagishkawaawaa’ bebakaan Waabishkiiwe adaawaagana’ adaawaagewaad. Apii 1835 akoo 1837 gaa-izhiseg, Upper Fort Garry ogii-ozhitoonaawaa’ Hudson’s Bay Company gaa-inindwaa. Mii imaa awiyag gii-daawag, maa’ishkamoog, gii-anokiiwag gaye. Naagach gii-naniskonigaade imaa gaa-gii-badakideg, akiikaanens gii-michi-izhichigaade.

Union Station

123 Main Street, 1911

Warren zhigwa Wetmore gii-inaawag igi gaa-gii-ozhitoowaad iwe Union Station gaa-ijigaadeg, mii bezhigon igi gaa-gii-ozhitoowaad imaa New York City iwe Grand Central Station gaa-ijigaadeg. Iwe gibichiiwigamig Tyndall inind asin gii-aabadizi ozhichigaadeg, agwajaya’ii Winnipeg Ondinaa awashime 450 million dasowakiiwine. Iwe Union Station, awashime 100 dasowaki bi-anokiimagad.

Fort Garry Hotel

222 Broadway, 1913

Montreal onji waakaa’igan onibii’amowaad Ross zhigwa MacFarlane izhinikaazowag gaa-gii-ozhitoowaad iwe Fort Garry Hotel. Ogii-ozhitoonaawaa’, ogii-bimendaanaawaa’ gaye Grand Trunk Pacific Railway gaa-inindwaa, mii iwe bezhig gaa-aabajitoowaad Union Station. Apii baakinigaadeg, mii iwe bezhig maawanj mechaag ziiginigewigamig omaa Canada.

Centennial House

310 Broadway, 1970

Iwe Centennial House gaa-ijigaadeg, nishwaaso-daso-apiichigaade, biiwaabik zhigwa asin onji ozhichigaade, gii-apinikaade Manitoba 100 gaa-daso-biboonemagak. Gii-inachigaade nawach ji-ishpakideg apiich enigokwaag. Niibidesingin waaseniganan, ishpaagin asiniikaadegin asamisag, ginoonde-ishpinaab gidoodaagon.

Princeton Apartments

314 Broadway, 1909

Apii gii-ozhichigaadeg iwe Princeton Apartments gaa-ijigaadeg, gii-gizhibaaakidewan gichi-waakaa’iganan, minokizowaad mitigoog oodekanaang. William Wallace Blair gaa-gii-ozhitood, ogii-ididaan “gichi-gegoowang, gitendaagwak igaye.” Apii gaa-ozhichigaadeg, mii iwe bezhig gichi-waakaa’igan gaa-gii-ishpakideg imaa Broadway oodekanaang.

Worker’s Compensation Board Building (formerly Monarch Life)

333 Broadway, 1961

Iwe waakaa’igan, Smith Carter Searle Associates ogii-onibii’aanaawaa’. Epiichi-mayagi-waakaa’igewaad, gii-noonde-waabanjigaade, mii ‘ashowaabiwin’ gii-ozhichigaade awiyag ji-namadabiwaad ji-ganawaabiwaad ozhichigaadenig. Ogiji-“apisijikaan” ogijaya’ii gii-ate waakaa’igan, daabishkoo gii-agoodeg.

Heaven Between

Broadway & Edmonton Street, 2016

Heaven Between ijigaade mazinichigan Bill Pechet onji Vancouver gaa-gii-ozhitood, gii-achigaade omaa 2016 gaa-akiiwang. Gaa-gii-ozhichigaade, gaa-izhinaagwakin ogidigamigoon gaa-ayaamagakin imaa Broadway oodekanaang gii-izhichigaadewan, dago ini Union Station zhigwa Legislative Building gaa-ijigaadegin. Mazinichiganan waabanda’iweng ningoji izhichigaadewan aaniin gegoo imaa ezhinaagwak ji-onachigaadegin.

The Old Law Courts Building

391 Broadway, 1916

Gete-ozhichiganan onji Greek zhigwa Roman gaa-gii-ijigaadegin gii-izhichigaade iwe Old Law Courts Building gaa-izhinikaadeg. Mii iwe bezhig megwaa eyaamagak ini Manitoba Courts onashowewinan. Nanaandok gegoo onashowewin odazhiikaanaawaa’ igi Manitoba Courts gaa-inindwaa.

Winnipeg Land Titles Building

433 Broadway, 1904

Iwe Winnipeg Land Titles Building gaa-ijigaadeg, Samuel Hooper gii-inaa’ awe gaa-gii-onibii’ang. Agwajaya’ii iwe Manitoba Tyndall inaa’ awe asin gaa-gii-aabadizid, zhigwa biindig zhooshkwaabik gii-aabidizi. Aabajichigaade owe Manitoba Courts ozhichigan ji-dagwiimagak imaa Law Courts Complex gaa-maamawitegin.

Manitoba Legislative Building

450 Broadway, 1920

Frank Worthington Simon zhigwa Henry Boddington III ogii-onibii’aanaawaa’ iwe Manitoba Legislative Building gaa-ijigaadeg. 1913 gaa-akiiwang gii-maajichigaade, apiichinaag idash gii-gagibichiiwag. Gegapii 1920 gaa-akiiwang gii-baakinigaade, 50 dasowaki Manitoba gaa-dagwiid ogimaawining. Ogidigamig niibawi imaa ininiikaan Golden Boy ijigaazo, oshkaadiziwin zhigwa gizhizhawiziwin ji-inwaazod.

Iwe Winnipeg Architecture Foundation gaa-ijigaadeg gaawiin gashkichigesiwag, agindeg ji-inateg, ji-wiiji’iwewaad ji-gikendaagwakin gegoon gaa-gii-bi-ozhichigaadegin omaa Winnipeg.

Giiyaabi gegoon noonde-gikendaman ini Winnipeg gaa-gii-ozhichigaadegin, akiing ayizhinaagwakin, gaa-gii-onibii’igewaad, izhaa imaa winnipegarchitecture.ca.

Winnipeg Architecture Foundation ogii-ozhitoonaawaa’, wiiji’igowaad Downtown Winnipeg Biz.

WINNIPEG
ARCHITECTURE
FOUNDATION

DOWN
TOWN
WINNIPEG BIZ

Akii-mazina’igan Kaj Hasselriis ogii-ozhibii’aan. Burdocks gii-onibii’ang.